

Fundur framkvæmdaráðs Pírata 10.12.2015

Mættir eru:

Erna Ýr Öldudóttir, Bergþór Heimir Þórðarson, Gunnar Ingiberg Guðmundsson, Unnar Örn Ólafsson, Þórhildur Sunna Ævarsdóttir og Hafþór Sævarsson (gestur)

Þórhildur Sunna er kjörin ritari og Unnar kjörinn fundarstjóri

Fundur settur kl. 20.28

Dagskrá fundar:

Formleg ákvörðun um að fresta framfarafundi

Vetrarsólstöðuhátíð

Fjölmíðlafélagið

Formið á fundagerðinni. Ferlill til að allir séu sáttir (mögulega fresta fram til næsta fundar vegna forfalla ritara)

Nýjárskveðja Pírata

Önnur mál:

Aðkoma framkvæmdaráðs að prófkjörum

Birting úrskurða úrskurðarnefndar

Fyrst á dagskrá:

Formleg ákvörðun um að fresta framfarafundi:

Tillaga borin fram: Samþykkir framkvæmdaráð að fresta framfarafundi til 5. Janúar nætkomandi:

Samþykkt einhljóða.

Næst á dagskrá:

Vetrarsólstöðuhátíð:

Árlegt viðbjóð – vetrarsólstöðuhátíð

Tillaga um að halda hátíðina í Tjarnarbíó frekar en í Tortuga. Leyfum okkur eina hátíð þar sem við þurfum ekki að stússast í hátíðarhöldum, þrifa og vesenast í kringum viðburðinn.

Getum líka haldið hátíðina í Tortuga en það felur í sér að við þurfum að vera með fólk á vakt að sjá um allt heila klabbíð: Að kæla áfengið, bera það í fólk, taka til á meðan og eftir á osfvr.

Bergþór: Það má búast við því að þessi hátíð verði stærri en í fyrra vegna aukins fylgis Pírata.

Gunnar kemur með tillögu: Að fá ónefnda hljómsveit og eða/ónefndan leynigest til þess að troða upp í Tortuga og vera með partýið hér.

Erna: Allt of stuttur fyrirvari til þess að skipuleggja tónleika, hafa atriði og díla við allt sem tengist uppsetningu á svona viðburði.

Höfum ekki fengið endanlegt tilboð frá Tjarnarbíó né heldur endanlega tillögu frá Gunna þannig að fundurinn kemur sér saman um að taka endanlega ákvörðun um nákvæma útfærslu á viðburðinum fyrir klukkan fjögur á morgun. Fundurinn leggur því þrjár tillögur í kosningu:

Tillaga borin upp:

Fyrir vetrarsólstöðuhátíð 2015 skal vera:

200.000 kr. max í budget

Dagsetningin 19. Desember

Endanleg ákvörðun um staðsetningu og umgjörð verður tekin á Facebook fyrir kl. 4 á morgun

Þriðji dagskrárliður:

Fjölmiðlafélagið:

Lag fyrir framkvæmdaráð hugleiðing um hvort ráðið sæi sér fært að styrkja fjölmiðlafélagið til þess að starfa í þágu Pírata.

Umræður hafa verið uppi um hvort fjölmiðlafélagið ætti að vera vinnuhópur eða aðildafélag:

Bergþór: Þetta gengur út á ábyrgð á störfum félagsins. Tillagan um að gera fjölmiðlafélagið að vinnuhópi gengur út á að vinnuhópar þurfa að hafa ábyrgðamann og skila skýrslum til framkvæmdaráðs. Þá sleppum við við formlegheitin sem fylgja stofnun aðildafélags.

Fjármál: ÞÍR vill styrkja fjölmiðlafélagið um ákveðna upphæð og skora þar með á framkvæmdaráð að tvöfalda þá upphæð. Slíkir fjármunir kæmu úr kosningasjóði félagsins.

Einhver hópur í LhÍ fékk það verkefni að re-branda alla stjórnmálaflokka landsins – Gissur (úr fjölmiðlafélaginu) sá verkefnið og var víst mjög ánægður með það starf. Um að gera að athuga hvort við mætum nýta okkur þá vinnu.

Unnar: Þælingin með þessu er líka að styrkja tengslin milli fjölmiðlafélagsins og aðildafélaganna. Til þess að koma skilaboðum aðildafélaganna betur á framfæri. Unnari finnst vanta markvissara starf hjá sumum aðildafélögum, þau kannski náðu ekki inn manni og eru smá úr lúppunni. Unnar leggur til að leggjast í starf með aðildafélögum, hvort sem það er námskeið, upplýsingabæklingur eða fundur um verkferla og lög Pírata hvað varðar fjölmiðlastarf, greinaskrif og fleira.

Erna: Birting á úrskurðum úrskurðanefndar, lagabreytingar og fleira. Úrskurðir úrskurðanefndar geta vart talist gildir fyrir en búið er að birta þá.

Hafþór (gestur): Úrskurðanefnd er að byggja á lögum félagsins, sjónarmiðin sem úrskurðanefndin byggir á – giltu fyrir og eftir úrskurðinn.

Erna: Við þurfum samt að birta þennan úrskurð.

Unnar leggur til að við frestum frekari umræðum um birtingu úrskurða þar til við ræðum úrskurði úrskurðarnefndar undir önnur mál og höldum okkur við umræður um fjölmiðlafélagið að sinni. Fundurinn samþykkir það.

Sunna: Hverjir eru í fjölmiðlafélaginu?

Unnar og Bergþór: Snorri Kristjánsson, Gissur Gunnarsson, Hákon Helgi, Halla Kolbeinsdóttir – slatti af fólki öðru sem er ekki jafn virkt.

Unnar: Nemendur LHÍ eru komnir inn í fjölmiðlafélagið á fb – þannig að hreyfing verður á þeim málum.

Sunna: til þess að fjölmiðlafélagið fái fjármögnun frá okkur finnst mér að þau verði að koma sér upp formlegum strúktúr með lýðræðislegu ferli. Að þau verði með t.d. þrjá ábyrgðarmenn, formann, ritara og gjaldkera. Þá vil ég sjá lýðræðislega kosningu á ábyrgðarmönnum félagsins, hvort sem það verður aðildafélag eða vinnuhópur.

Erna: Tekur dæmi um aðildafélögin og hvernig þeirra budget virkar. Þau senda beiðni á framkvæmdaráð um að þau vilji gera x, hvort þau fái fjármagn til þess, það er síðan samþykkt eða ekki.

Bergþór: Það eru ekki bara aðildafélög sem hafa fengið budget fyrir ákveðna hluti. Ein leið væri að ákveða tölu sem færi á ársgrundvelli inn í fjárhagsáætlun Pírata, svo getur fjölmiðlafélagið með áætlun, sótt um að fá úr þeim lið í fjárhagsáætluninni.

Til að gagnrýna hugmyndina hjá Sunnu: Þá ertu að stinga upp að ganga töluvert lengra en lögin gera ráð fyrir. Lögin tala um tvo ábyrgðamenn: formaður og ritari.

Erna: það liggur fyrir að við þurfum að búa til fjárhagsáætlun fyrir næsta ár. Mér finnst sjálfsagt að gera ráð fyrir fjölmiðlafélaginu í þeirri áætlun.

Sunna: Þurfa bara að koma sér upp formlegum vettvang, hvort sem það er aðildafélag eða málefnaþingur eða vinnuhópur. Með gagnsæjum ferlum. Þau þurfa alls ekki mín vegna að vera með þrjá ábyrgðamenn en ég vil sjá formlega ábyrgðarmenn og ég vil sjá einhvers konar áætlun um hvað þau ætla sér með þessa peninga og hvað þau þurfa mikið í hvaða verkefni fyrir sig.

Erna: var búin að ræða þetta aðeins við Ólaf Evert um að þau þyrftu að koma sér upp einhvers konar verkferlum. Ég myndi vilja losna við að sjá um límmiða, kynningabæklinga, vefsíðuna og öll verkefni sem koma að markaðssetningu flokksins. Ég er til í að setja fullt af peningum í fjölmiðlafélagið ef þeir eru til í að taka þessi mikilvægu verkefni að sér.

Gunnar: Upphaflega voru Gissur og Hafþór Sævarsson sem tóku að sér að sinna þessu. Þetta var allt mjög lauslega ályktað og skipulagt á sínum tíma og í raun lagðist félagið í dvala og lítið hefur gerst síðan.

Bergþór: Leggur til að framkvæmdaráð álykti að framkvæmdaráð vilji setja fjármagn í starf fjölmiðlafélagsins að ákveðnum skilyrðum uppfylltum.

Sunna: sem almennur félagsmaður vil ég hafa áhrif á hverjir eru í þessari nefnd og hafa yfirsýn yfir hlutverkin sem hún mun gegna innan Pírata.

Stutt hlé er tekið á meðan ritari leggur drög að ályktun vegna fjölmiðlafélagsins.

Tillaga að ályktun framkvæmdaráðs:

Framkvæmdaráð lýsir yfir vilja til þess að styrkja fjölmiðlafélag Pírata með fjárútlátum til einstakra verkefna með þeim fyrirvara að félagið sækist eftir formlegri stöðu innan Pírata. Með formlegri stöðu er átt við að fjölmiðlafélagið gerist formlegur vinnuhópur eða aðildafélag samkvæmt lögum Pírata. Einnig væri æskilegt að fjölmiðlafélagið myndi semja verkáætlun og fjárhagsáætlun til þess að framkvæmdaráð geti betur áætlað kostnað í þennan málalið. Framkvæmdaráð óskar eftir fundi með fjölmiðlafélaginu í kjölfar formlegrar stofnunar félagsins til þess að ræða um hlutverk og verkefni félagsins.

Samþykkt einhljóða

Fjórdi dagskrárliður

Fundargerðir framkvæmdaráðs

Bergþór: Fundargerðir: Að ályktanir og jafnvel bókanir framkvæmdaráðsfunds verði lesnar upp að fundi loknum og þær samþykktar, að fundargerðir verði síðan sendar til framkvæmdaráðs og þeir hafi viku til þess að koma með athugasemdir. Fundargerðin verði þó birt fljótlega að fundi loknum með fyrirvara um breytingar. Endanleg fundargerð verði síðan staðfest á næsta fundi framkvæmdaráðs.

Sunna: Finnst við ættum að ræða þetta fyrirkomulag þegar fleiri eru mættir og við höfum betri tíma til þess að ræða þetta.

Bergþór: sammála, vildi bara koma þessu að.

Fimmti dagskrárliður:

Aðkoma framkvæmdaráðs að prófkjörum

Erna: Á nýliðnum fundi um prófkjörsmál kom fram gagnrýni á hendur framkvæmdaráðs fyrir að hafa ekki skipulagt fundi og dagskrá vegna prófkjóra. Ég ályktaði sem svo fyrir hönd framkvæmdaráðs að ráðið hafi ekki heimild í lögum til þess að taka fram fyrir hendurnar á aðildafélögunum hvað varðar prófkjörin. Aðildafélögin ættu að vera að skipuleggja starf varðandi prófkjörin. Þau ættu að taka ákvarðanir með eftirfarandi:

Ættu prófkjör að vera á sama tíma?

Geta píratar á öllu landinu boðið fram í öllum aðildafélögum?

Mega allir Píratar kjósa í öllum prófkjörum?

Niðurstaðan var sú að fyrrnefndur félagafundur skipaði vinnuhóp til þess að koma með tillögur um hvernig þessum málum yrði háttað.

Ég kys að túlka lög Pírata þannig að það sé ekki hlutverk framkvæmdaráðs að miðstýra þessu.

Bergþór: ályktunin sem Erna vísar í er ályktun sem var samþykkt á fyrsta fundi um þessi mál og hljóðaði eitthvað á þá leið að framkvæmdaráð ætti að undirbúa einhvers konar verkáætlun eða dagskrá fyrir prófkjörin fyrir allt landið. Sammála Ernu um að það er ekki verkahring framkvæmdaráðs að skipuleggja prófkjör. Einnig sammála Ernu vegna þess að ég er ekki samþykkur því að félagafundur geti endilega sett þetta verkefni í hendurnar á framkvæmdaráð. Prófkjör er ekki kosningabarátta. Kosningabarátta er ekki að velja frambjóðendur, þó við eigum að samræma kosningabaráttuna á landsvísu, kynna frambjóðendur og fleira. Til þess að við eigum að hafa puttana í prófkjörum þyrfti lagabreytingar, sem ég set mig ekkert endilega á móti. Að skýra allavega okkar hlutverk gagnvart prófkjörunum.

Annað tengt þessu:

Gunnar: Kjörnefnd: er óstarfhæf sem stendur.

Sunna tekur að sér að rannsaka úrræði með kjörnefnd og að koma með tillögu að úrlausn þessa máls fyrir næsta framkvæmdaráðsfund.

Unnar: Framkvæmdaráð gæti komið með vinallega ábendingu til aðildafélaga um að setja sér einhvers konar verkferla varðandi prófkjörin.

Erna: Fundurinn hans Björns Leví (um prófkjörsmálin) lagði til að framkvæmdaráð myndi leggja spurningar til aðildafélaga. Einnig legg ég til að við getum sent vinalegar ábendingar til aðildafélagana um ýmis atriði hvað varðar prófkjörin.

Gunni: Herbert og Helgi Hrafn hafa boðist til þess að koma á fund með okkur og útskýra fyrir okkur aðkomu okkar að prófkjörum, hvað aðildafélögin eigi að gera osfrv. Þeir hafa reynslu og þekkingu í þessum málum.

Sunna: Þjóðum aðildafélögunum með á þennan fund með HHG og Herbert. Tökum svo annan fund með aðildafélögunum þar sem við ræðum málin, ræðum yfirvofandi prófkjör og hvernig aðildafélögin vilji standa að þessu.

Erna: Lýst vel á þessa hugmynd eða eitthvað í áttina að henni. Ræðum þetta betur í betra tómi.

Fundi slitið 22.30

Fundargerð samþykkt af fundarmönnum